



KEMENTERIAN KERJA RAYA

MALAYSIA

KENYATAAN MEDIA

STATUS PELAKSANAAN OPEN PAYMENT SYSTEM SERTA MIGRASI KEPADAMULTI LANE FAST FLOW(MLFF)

KUALA LUMPUR, 11 APRIL 2023 - Sejajar dengan hasrat Kerajaan Perpaduan dalam memastikan kebajikan rakyat Malaysia Madani terus diberi keutamaan, Lebuhraya Duta – Ulu Klang (DUKE) menjadi syarikat konsesi lebuhraya terkini yang bakal mengambil bahagian di dalam pelaksanaan sistem pembayaran terbuka di plaza tol lebuhraya kendaliannya.

Persetujuan yang dicapai hasil perbincangan di antara Kementerian Kerja Raya (KKR) dan DUKE ini menjadikan keseluruhan jumlah lebuhraya yang bakal terlibat di dalam pelaksanaan sistem pembayaran terbuka ini kepada 12 lebuhraya dengan sistem ini dijangka bermula pada September 2023.

Lebuhraya-lebuhraya yang terlibat termasuklah Lebuhraya Sungai Besi, Lebuhraya Baru Pantai, Lebuhraya Bertingkat Ampang – Kuala Lumpur, Lebuhraya Koridor Guthrie, Jambatan Pulau Pinang, Lebuhraya Butterworth – Kulim, Lebuhraya Damansara - Puchong (LDP), Skim Penyuraian Trafik KL Barat (SPRINT), Lebuhraya Shah Alam (Kesas), Terowong SMART serta Lebuhraya Kuala Lumpur - Putrajaya (MEX).

Selain daripada itu, sukacita ingin saya memaklumkan bahawa Lebuhraya DUKE juga telah dipilih sebagai lokasi kedua pelaksanaan *Proof of Concept (POC)* selepas Lebuhraya Sungai Besi bagi menilai sistem Multi Lane Fast Flow (MLFF) sebelum ianya dilaksanakan di semua lebuhraya di dalam negara.

Unit Komunikasi Korporat | Kementerian Kerja Raya Malaysia

✉ WWW.KKR.GOV.MY ✉ PRO@KKR.GOV.MY 📱 KEMENTERIAN KERJA RAYA 📱 KKR_MALAYSIA 📱 @MOWORKS 📱 KEMENTERIAN KERJA RAYA OFFICIAL

Tel : 03 8000 8000 / D.L : 03 2771 4616 / 4627 | Faks : : 03 2711 1101

Jalan Sultan Salahuddin,
50580 Kuala Lumpur



KEMENTERIAN KERJA RAYA

MALAYSIA

KENYATAAN MEDIA

Seperti yang diketahui umum, pelaksanaan sistem pembayaran terbuka ini merupakan persediaan awal peralihan ke arah MLFF sebelum dilaksanakan sepenuhnya secara berfasa selewat-lewatnya pada suku ketiga 2024. Usaha ini diharap dapat memberikan peluang kepada Kerajaan, syarikat konsesi serta pihak terlibat untuk mengenalpasti dan menyelesaikan segala isu-isu yang dapat merencangkan kelancaran pelaksanaan MLFF ini kelak.

Pelaksanaan MLFF ini juga diharapkan dapat menyelesaikan masalah kesesakan jalan raya di plaza tol selain memberikan kemudahan dan memastikan keselamatan semua pengguna lebuhraya terjamin.

Pada ketika ini, pelaksanaan sistem pembayaran terbuka, POC dan MLFF ini masih mengikut jadual dan Kementerian ini sedang giat berusaha memastikan kesemua perancangan dapat dijayakan dengan lancar. Saya memohon kerjasama semua pihak agar dapat bersabar dan memberikan sedikit masa kepada pasukan di kementerian ini yang komited dalam melaksanakan sistem pembayaran terbuka ini sekaligus memastikan transisi MLFF ini dapat dilaksanakan.

DATO SRI ALEXANDER NANTA LINGGI
MENTERI KERJA RAYA

Unit Komunikasi Korporat | Kementerian Kerja Raya Malaysia

✉ WWW.KKR.GOV.MY ✉ PRO@KKR.GOV.MY ✉ [KEMENTERIAN KERJA RAYA](#) ✉ [KKR_MALAYSIA](#) ✉ [@MOWORKS](#) ✉ [KEMENTERIAN KERJA RAYA OFFICIAL](#)

Tel : 03 8000 8000 / D.L : 03 2771 4616 / 4627 | Faks : : 03 2711 1101

Jalan Sultan Salahuddin,
50580 Kuala Lumpur